

Bima - Agape Alkitab - God's Love Letter Scriptures

Yahya 15:9 Vune Ama mameci ra ca'u Nahu, ndedeku Nahu mameci ra ca'u nggomizoho. Pavuapu nggomizoho ngge'empa mori vune dou zi meci ra ca'u va Nahu.

Yesaya 43:1,2 - Efesus 2:10 Ndaita edezi rakandazi va Ruma Hatalla, ro ra kandazi kai ncai Ruma Isa Al Masih zikarawikai lampa rawi ma taho rasadia va Ruma Hatalla sawatipu va ede. Sia ne'ena loakuzu ndai mori ta zei adena.

Yeremia 1:5 - Galatia 1:15 Pala vara taho ade Ruma Hatalla, Sia kazalena nahu sawatipu nahu ranggana ro ouna nahu zimakarawi wea Sia.

Yahya 15:16 Laina nggomizoho ma kazale Nahu. Nahuku ma kazalena nggomizoho, ro makau lao nggomizoho zimambua mamboto -- wua-wua ma daloa leli. Ndazi Ama zimambeina zi nggomizoho au-au raraho va nggomizoho zi Sia kai ngara Nahu.

3 Yahya 1:2 mado'a raho-raho to'impa nggomi taho ra ntamu ro sara'ana taho-tahompa lavo nggomi, sama vune nawa ra sarumbumu taho-tahompa.

Yesaya 43:4 - 1 Petrus 2:9,10 Pala nggomizoho edezi bangsa rakazale, imam-imam ma karawi wea sangaji, bangsa ma raso, ziru'u va Ruma Hatalla mpoampa, ela ndai Ruma Hatalla. Ruma Hatalla makazale nggomizoho ro ma'ou kalosa nggomizoho razi ade marindikaina zi lu'ukai ade taroa-Na ma taroa poda, kai makasuna loakuzu nggomizoho ngoa ra kahabamu haba mavoha ruku ra rawi-ruku ra rawi-Na ma heba poda. 10 Ntoina nggomizoho laina ela Ruma Hatalla, pala ake nggomizoho edezi ela Ruma Hatalla. Nggomizoho ntoina wati tarimamu rahama Ruma Hatalla, pala ake nggomizoho matarimaku rahama-Na.

Yeremia 31:3 - Efesus 1:4 Sawatipu va kandazi dunia ake, Ruma Hatalla wa'ura kazalena ndaita kai ncai Al Masih kai ne'ena loakuzu ndaita ndazi ntau-Na rakalaina ro wati wara ma'iha zitando-Na. Vara meci ra ca'u va Ruma Hatalla,

2 Timotius 1:9 Ruma Hatalla kasalamana ndaita ro ouna ndaita loakuzu ndazi ela ndai-Na. Sia karawikaina ede laina kai dasa au rawa'u karawi va ndaita, malaisi kai dasa nia ndai-Na ro anugera-Na. Sia mbeina ndaita anugera-Na kai ncai Ruma Isa Al Masih. Sawatipu va kandazi dunia ake.

Yahya 3:16 Vara Ruma Hatalla ndede meci ra ca'una manusia zi dunia ake, ndazina Sia mbeina Ana-Na ma kese weki, loakuzu sanikina dou ma imbi

zi Sia wati iha lelina, malaisi zimaraka mori masapodakaina ro ma'ederahizi.

Hosea 11:8; Yesaya 49:15,16; & Yesaya 41:13,14

Lukas 12:32 "Nggomizoho ma cuma sato'i wekimu, aina dahumu! Vara Amamu nasana mbei zi nggomizoho pasaka Karaja'an-Na.

Matius 28:20 Teipu siazoho loakuzu vatu ra to'akaina zi samenana au rawa'u parentakai va Nahu zi nggomizoho. Ro kawarapu Nahu zimazende ra wa'a nggomizoho ncau sampe cumpukai dunia."

Yahya 14:1 "Aina darura mena ademu," nggahi Ruma Isa zi siazoho. "Imbipu zi Ruma Hatalla, ro imbi raupu zi Nahu.

Zabur 23:1 - Yahya 10:11 Nahuku ompu jimba ma taho. Ompu jimba ma taho nambeiku nawana zi ru'u va jimba-jimbana.

Zabur 23:2 - Wahyu 7:17 vara Ana Jimba ma doho zi woha-woha hizi dohokai sangaji ede zima'ompukaina siazoho. Sia zimazende ra wa'ana siazoho zi hizi mada oi ma mbei mori ra woko. Ro Ruma Hatalla zima'osa sara'ana oi mada razi mada siazoho."

Zabur 23:3,4 - Lukas 1:79 Vune liro mawontu aimasizi, ndedeku Sia mbeina taroa-Na zi sara'ana dou ma mori zi ade rindikaina ro zidahukaina Sia zende ra wa'ana ndaita zi ncai ma lao aka tahokaina."

Zabur 23:5,6 - 2 Korintus 1:10 Sia ma wa'ura kasalamana nami razi bahaya made ma na'e ede. Ro Sia rau ma kasalamana nami peade zi ainain-ainain makento, vara zi Siaku zine'e podakai va nami.

Filipi 4:7 Ndazi taho ra ntai razi Ruma Hatalla, ma wati zi loa ka'ao va manusia, zimasandaka ade ro kananumu ma wa'ura savua lavo Ruma Isa Al Masih.

Ibara 3:24 & Zabur 4:8 - Yahya 14:27 Taho ra ntai zi wi'i va Nahu zi nggomizoho. Taho ra ntai ndai Nahu zi mbei va Nahu zi nggomizoho. Rambei va Nahu ede laina vune rambei va dunia zi nggomizoho. Aina darura ademu, aina dahu.

Zabur 33:18 - 1 Petrus 3:12 Vara Ruma maca'u tio dou-dou ma vatu rakane'e-Na, ro Ruma makade'e ncau do'a-do'a siazoho; pala Ruma ma'aona dou-dou ma karawi ma'iha."

Roma 5:2 Vara ndai imbita zi Ruma Isa, ndazi Sia nakaloaku ndaita ma'iuc meci ra ca'u va Ruma Hatalla, ro kai meci ra ca'u ndazina ndaita mori ake. Vara ndedena ndai neo adeta, vara ndaita ntua kane'e vara ndaita zima'iu zese ra ntasa Ruma Hatalla!

Yesaya 55:12 - Lukas 19:40 Cambe va Ruma Isa, "Imbipu! Nggara namidisii siazoho, wadu-wadu ake zimakanggica."

Yahya 16:22 Ndede rauja lavo nggomizoho: Ake nggomizoho masusa ade, pala Nahu zima'eda angi lavo nggomizoho wali, ndazi ademu zimasana;

ro wati kone savua dou maloana weha neo ade ede zi ade nggomizoho.
Lukas 12:9 Pala dou ma wati mangaku zi tando dou mamboto vara sia vatuna Nahu, sia rau wati mangaku va Ana Manusia zi tando mala'eka-mala'eka Ruma Hatalla.

Matius 10:30 Jumula honggo zi tuta raumu wa'ura reke sara'ana.

Yesaya 54:10 - Matius 24:35 Langi ro dunia zimambora, pala nggahi ra eli Nahu ngge'e mpa santo-i-ntoina."

Matius 11:28-30 Maipu ara Nahu nggomizoho sara'a ma rome ra dawa'u, ro ma'iu tani rawa'ana; Nahu zimambei tenggo ra wale nggomi. 29 Vatupu parenta Nahu ro tana'opu zi Nahu. Vara Nahu ake nantika nggahi ra eli-Ku ro ka'awa weki, ndazi nggomi ma'iuku tenggo. 30 Vara parenta-parenta Nahu nambeiku sana, ro au rakau-Ku wa'a matani zi nggomizoho naneo."

Sulaiman 2:10 & Hosea 2:14,19,20

2 Korintus 11:2 Nahu lingi adeku zi nggomizoho, vune ndai Ruma Hatalla malingi ade rau zi nggomizoho. Nggomizoho vune dou siwe sampela ma mbuipu raso rawa'u sake va nahu zikanika lavo savua rahi, edezu Al Masih.

Exodus 3:14 - Ibrani 13:8 Ruma Isa Al Masih ngge'emba samana, nataho ntoina, ake, ro sampe santo-i-ntoina.

Hosea 13:4 - Kisah Rasu-Rasu 4:12 Kai ncai zi Ruma Isa mpoampa dou zikasalama. Vara zi sara'a dunia zi ade weki manusia wati wara dou makalai rau ma raka kuasa razi Ruma Hatalla zimakasalamana ndai."

Yahya 15:14 Nggomizoho edezu soba-soba Nahu, nggara karawisi va nggomizoho au rakaukai va Nahu zi nggomizoho.

Yahya 14:6 Cambe va Ruma Isa, "Nahuku ncai zipatakai Ruma Hatalla ro zirakakai mori. Wati kone savua dou rau maloa mai zi Ama, nggara watisi kai ncai Nahu.

Wahyu 3:20 Tiopu! Nahu makizi zi tando taza ro tokeku. Nawarasi dou ma ringana eli Nahu, ro henggana taza, Nahu zimalu'u eda angi lavo sia; Nahu zimangaha sama-sama lavo sia, ro sia zimangaha sama-sama lavo Nahu.